

永寧州誌總目

第卷之一

輿地誌

圖考

有圖

沿革

有表

疆域

形勝

有圖

山川

分野

有圖

氣候

風俗

兵防

古蹟

有圖

丘壠

第卷之二

建置誌

城池

有圖

公署

有圖

學校

有圖

驛舖

河堤

津梁

堡寨

壇壝

有圖

恤典

都里

街市

鄉村

坊表

寺觀

第卷之三

食貨誌

戶口

賦役

稅課

驛傳

物產

第卷之四

秩官誌

州正

學官

佐職

第卷之五

秩禮誌

廟祀

有圖

名宦

鄉賢

三壇

公儀

鄉飲

有圖

講約

第卷之六

選舉誌

進士

舉人

貢士

監生

武甲

封廕

第卷之七

人物誌

儒林

仕蹟

鄉賓

孝友

節義

貞烈

隱逸

仙釋

方伎

第卷之八

藝文誌上

誥勅

奏疏

藝文誌下

文集

墓誌

題咏

附

災祥

永寧州誌卷之五

秩禮誌

禮者天地之序也序故羣物皆別聖王則之
制爲典章大而朝聘燕饗小而郡縣鄉閭莫
不有禮卽莫不有序所以同民心而出治道
也永寧典禮祠祭則有

師名宦鄉賢社稷郡厲諸禮公式則有慶賀開
讀迎春救護鄉飲講約諸禮各有定制不容
紊越非序乎然非誠敬無以儼對越非恪恭

無以將乃事行禮者儼威嚴恪罔敢隕越觀
瞻之際卽以導序下民化之有不馴致於禮
教之俗者哉志秩禮

廟祀

我

先師孔子承千古道統之傳開萬世羣蒙之緒歷代
帝王尊崇無斁

皇清肇興文治聿新而於

文廟祀典尤徵異數宜乎默翼

皇圖歷服無疆也惟主祭者精誠感格自然祭必受
福非徒駿奔走在廟虛應故事而已也謹將相
沿典禮臚列於後

大成至聖文宣先師孔子

子周靈王庚戌歲八月祭
西建之二十一日庚子甲

申時生於周敬王壬

戌歲二月癸卯建
時卒年七十有三

謹按

先師自漢以前未有崇祀

西漢高祖過魯始以太牢

祀孔子於闕里魏正始間始祀孔子于辟雍隋

命州縣學皆以春秋

仲月釋奠至唐高祖乃詔

立廟太宗復命守今

主祭後世因之其封號漢

平帝始封孔子爲褒

成宣尼公唐太宗以孔子

爲先聖顏子爲先師

配之高宗贈爲太師玄宗

封爲文宣王宋太祖詔廟門立戟十六真宗加
爲至聖文宣王明洪武初年詔正諸神封號惟
孔子封爵仍舊每歲二丁遣官祭於國學十五
年詔天下儒學通祀孔子頒釋奠儀二十四年
令各處儒學每遇朔望有司官至日早詣學謁
廟行香二十六年頒大成樂器於天下府學令
州縣如式制造永樂八年正文廟聖賢繪塑衣
冠令合古制正統三年禁祀孔子釋老宮嘉靖
九年釐正祀典始爲木主題曰至聖先師孔子

神位改大成殿爲先師廟殿門爲廟門

皇清順治二年用國子監祭酒李若琳禮科都給事

中冀鼎孳言

詔孔廟謚號加稱大成至聖文宣先師孔子康熙二十三年頒發

御筆萬世師表置額懸先師廟康熙二十八年令郡縣各學樂奏八佾添設佾舞生六十四人頒刻禮樂志祭各學康熙二十九年奉

旨文廟前左右立下馬牌一應文武官員軍民人等

在此下馬康熙三十三年頒發

御製至聖先師孔子贊

并序四配贊分註各位下

蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立
言以垂憲此正學所以常明人心所以不泯也粵
稽往緒仰邇前徽堯舜禹湯文武達而在上兼君
師之寄行道之聖人也孔子不得位窮而在下秉
刪述之權明道之聖人也行道者勲業炳於一朝
明道者教思周于百世堯舜文武之後不有孔子

則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫

亦嚴筆削上紹往緒下示來型道不終晦秩然大
經百家紛紜殊途異趣日月無踰羨墻可晤孔子
之道惟中與庸此心此理千聖所同孔子之德仁
義中正秉懿之好根本天性庶幾夙夜勗哉令圖
邇源洙泗景躅唐虞載歷庭除式觀禮器摘毫仰
贊心焉遐企百世而上以聖爲歸百世而下以聖
爲師非師夫子惟師于道統天御世惟道爲寶泰
山巖巖東海泱泱墻高萬仞夫子之堂孰窺其藩
孰窺其徑道不遠人克念作聖

四配

復聖顏子

述聖子思子

宗聖曾子

亞聖孟子

按唐太宗以顏子爲先師配享孔子高宗總章間贈顏子爲太子少師曾子爲太子少保並配享宋神宗元豐間以孟子同顏子並配享徽宗大觀間以孔伋從祀度宗咸淳間以顏回曾參孔伋孟軻並配享元至順間加封顏回爲兗國復聖公曾參爲郕國宗聖公孔伋爲沂國述聖

公孟軻爲鄒國亞聖公明嘉靖九年釐正祀典
四配稱復聖顏子宗聖曾子述聖子思子亞聖

孟子

皇清康熙三十三年頒發

御製顏子贊曰

聖道早聞天資獨粹約禮博文不遷不貳一善服
膺萬德來萃能化而齊其樂一致禮樂四代治法
兼脩用行舍藏王佐之器

曾子贊曰